

理

學

逢

源

婺源汪雙池先生著書二十  
餘種余曾刻其讀困之釋記讀  
近思錄儒先晤語三帙暨視  
學安徽洪中翰鈞既刊成四  
書詮義復以文集來商付梓  
余為序而行之矣曩者以爰

董筱槎編修最昭膺先生遺  
書嘗言世有校刊者當以理  
學逢原為先務中翰心識  
之方從編修之族入某借本  
鈔校而以奉諱中輟余志滿  
任來京此事遂懸心目間不

能去今年夏余子龍光來應  
禮部試言其里人俞君堯章  
將刻此書屬余為一言未幾  
函書之例言數條見寄余乃  
深幸同志之不孤抑韓子所  
云用功深者收名也遠先生

之書固有晦之愈久而彰之  
愈顯者在耶先生反經衛道  
崇正闢邪之苦心見於文集  
及諸書體例者綦詳此書宗  
法小學近思錄分內外二編  
明體達用本末兼資欲學

者自求諸身而得夫天性之  
本然非以著書自負博洽先  
生之言如此夫學者苟志於  
聖賢之學錄學錄近思錄  
無以入門願誦法朱子手定  
之書而不取朱子所自為說

者更互演繹求其指歸猶  
昌黎所謂不造其堂不噤  
其齋者也先生謂六經不折  
衷于程朱無以發其蘊由是  
書而熟之復之定學術之辨  
別堂與之趨其尚有歧塗

之感乎朱子謂四子書六經  
之階梯近思錄四子之階梯  
今先生是編又將與西山讀  
書記同為近思錄階梯矣余  
資性駑下猶願奉是編而卒  
業焉當世不乏倡明正學之



彥先生之鄉尤多讀而好之  
者俞君此舉有功前哲而裨  
益後進為不小矣余故不辭  
而弁其端惜乎編修墓有宿  
草不及親見刊行又太息不  
置也

道光十有八年歲次戊戌嘉  
平月樵李後學沈維鏄謹撰

自序

理一而已自四子六經以至周程張朱之所演繹載籍雖繁要不過欲人反求之身心而得其天性之本然則以是見之行事以實踐而力行之而於以措之民物莫不皆準此千聖所同符古今無二致也然而事物之交至變至蹟天人之故元遠幽微豈末學所能猝覩而況乎異端邪說與夫誦記辭章之學又從而汨之使高焉者必惑於寂滅虛無之說而下焉者又役於功名富貴之途卒之無得於己吁嗟乎不究其源不知其理之一也不觀其蹟不知其分之殊也異端棄事物而寂守此心既賊其本末學以爲

人而慕於榮祿又賊其枝賊其枝是傷其本賊其本枝從而亡異學之流不息大道之本不明是邪說誣民幾於滅熄可無懼歟顧大道之行雖晦而性命之正自存學者亦惟是窮理致知而於以徐探其源則異學之偏辭有不能惑反躬實踐而於以真知其味則當世之榮祿有不足搖而欲窮理致知反躬實踐則舍四子六經之書及周程張朱之教其末由也矣乃經書具存先儒不遠而苟非居敬持志以沈潛反復於其間又何能以不惑乎他而幾於自得也烜鄉者嘗輯理學逢源一書蓋亦欲以是自求於身心而得夫天性之本然因是經書所得輒以類識之欲使

弗忘而亦欲同志有人亦或因是書以窺聖學之旨非敢以著書自負博洽矜人也顧曩時所輯猶未免雜亂無章恐不足以窮聖學之蘊邇因與麗南往復談論還復潛心理會補闕刪蕪定書凡十二卷自天人性命之微以及夫日用倫常之著自方寸隱微之地以達之經綸一世之猷亦庶幾井井有條通貫融徹所以反求身心以探夫天性之本源者亦可不待外求而得終身焉足矣但是編分條別類援引經書有似於徵求典故以副時望者然條類雖分指歸則一援引雖雜脈絡自通關異防流反經衛道意思所存無不可見茲因藏之篋笥用以自箴已耳異日當

有得是書而讀之者其亦鑒予心而深察其意之所存則  
慎無以尋常類書視之焉可也

皆

乾隆癸亥四月朔後五日婺源汪烜自序

徽州府志儒林傳

汪紱一名烜字燦人別號雙池尙書應蛟之元孫父士極負才不羈貧而善遊紱少不能從師母江氏博通經史授以四書諸經數年皆成誦年八歲戲折竹枝排八卦江見之曰卦畫有斷有連汝所排皆連誤也對曰兒以仰體爲陽俯體爲陰其穎悟多類此江後得末疾臥床第者數載紱事之備極勞瘁旣沒往省士極於金陵遣之歸無以自給往景德鎮畫碗爲傭以居喪不御酒肉羣傭交笑侮之尋入閩有陳總兵者延爲子師執禮甚恭浦城學者爭受業焉已而奔父喪旅葬於鳳臺門外迎精而返與江合葬

時年逾三十卓然有成復之浦城館舍益肆力問學以斯  
文爲己任治經則博綜疏義窮理則剖析精微而皆折衷  
於朱子每有獨得往復發明撰述等身悉歸純正自星厯  
地志樂律兵制陰陽醫卜以至彈琴轡弓篆刻繪事無所  
不通顧以高介違俗且久客時人鮮知之五十後始就試  
補邑庠生名譽日起究未有能窺其牆仞者獨沱川余元  
遴師事之得聞爲學要領踰年絳病終子思謙庠生以毀  
卒元遴往收絳遺書藏弄唯謹乾隆壬辰

詔徵天下羣書明年學使朱學士筠按試徽州元遴抱絳  
書十餘帙以獻筠嘉賞命學官繕寫上四庫館且檄有司



建木主偕儒碩十五氏附祀紫陽書院而親換墓道之文  
以闡揚之世謂敎雖無後而不亡差可無憾云所著有易  
書詩四書詮義春秋集傳禮記章句或問六禮或問樂經  
律呂通解樂經或問孝經章句理學逢源讀近思錄讀讀  
書錄讀困知記讀問學錄參讀禮志疑讀陰符經讀參同  
契儒先晤語山海經存琴譜詩韻析物詮文集詩集大風  
集孝經或問易經如話四書引蒙開口講策畧共若干卷  
道光己丑奉

旨崇祀鄉賢祠

汪先生行狀

嗚呼先生之歿也六閱月矣心喪啣痛至今不能作一字以寫哀忱其何以狀先生一生之行實哉去歲仲冬會屬先生子鳴之追成狀畧以存徵信而鳴之病中回東云先人一生辛勤道脈其蘊悉見於書至閱歷往往不自言問之亦不甚答故少年及在開事無從查考擬將以所聞於家母及能記憶者次爲一冊晚兄成之兄當不忍辭也今正初八鳴之垂危馳召比相見已失聲詢其節畧竟以病故未及成一字至十三日又下世矣嗚呼以先生之學旣未獲顯於時復殤其孫天其嗣而并湮沒其事蹟悠悠蒼

行狀

荀業堂

天何其酷也顧著述之勤學問之正閱其書者自能知之  
然一代大儒後日將採其懿行傳之儒林萬一遺佚無從  
查核則聲光悶蓄豈惟長逝者私憾無窮後死者與有責  
焉敢畧記所聞存什一於千百俾後人知仰法焉先生姓  
汪氏諱烜庠名紱字燦人雙池其號也其先世出唐越國  
公華後十二傳至道安公以兵馬使鎮婺源因家焉十七  
傳至淑璋公自涪溪遷投莘又五傳至贈戶部尚書希利  
公則先生六世祖也五世祖煥祖公邑庠生封僉都御史  
贈戶部尚書高祖諡清簡諱應蛟明萬厯甲戌進士累官  
戶部尚書理學經濟蔚爲儒宗著述甚富實行詳志乘明

史不具述曾祖元會公光祿寺署丞祖斯涵公郡庠生博  
學多能諸子百家之書無不洞曉配江氏亦讀書通大義  
與斯涵公考證古籍閨閣之中如益友焉父諱士極字樞  
北天才敏妙工古文詞子二長名焯次卽先生也先生母  
江氏同邑庠生硤倫公女生而穎悟數歲時硤倫公嘗於  
月下口授大學中庸蓋三夜而經文章句熟背不遺一字  
稍長益嗜典籍精通諸經義疏朱子綱目及典故諸書至  
風雲月露之詞弗好也清簡公固遺子孫以清白斯涵公  
已賃屋而居數傳家益窶孺人于歸後并曰之暇常治女  
紅以佐饔飧士極公以貧故不克卒儒業遨遊湘楚閩越

間卒無所遇後乃幕客金陵歲不通音問孺人處之怡然  
曰貧富命也何足憂惟子能讀書成立則幸事耳煖稍長  
卽令人塾然姿稟稍遜先生甫能言善記識孺人提抱時  
往往舉經書口授之聽卽成誦艱於從師又恐時師弗能  
教也乃自課督室中置長榻一孺人坐治鍼齋虛其半置  
書又設小几坐先生於旁教之諷誦細爲解釋向讀必專  
一不得左右顧顧輒夏楚慈母也逾嚴師焉先生天授神  
奇復承母訓嚴切十歲以前四子諸經已習熟成童後習  
舉子業旁及詩文亦皆母氏手爲指示蓋終身未嘗一日  
從師云弱冠後江孺人得瘋症飲食於床第者數年先生

躬執爨撫摩湯藥日夜極勞瘁自傷窘乏缺甘旨及孺人  
歿哀毀骨立繼念父客金陵久疏音問憂服往省士極公  
以遇之窮也孺人復歿也語先生曰爾來奚爲吾無歸矣  
古人云家徒壁立吾壁并非己有如此寂寂徒爲鄉黨嗤  
子速歸毋久留也先生請留侍公曰予無以自存爾更溷  
我耶且汝性拙此間亦無置汝處先生請益力公繼之以  
怒且囑居停勿與飲食乃垂涕歸先生少奉母教未嘗輕  
出門戶與族眾不習兼之落魄益無肯爲調護者兄嫂俱  
傭於人身無所託不得已乃至江西景德鎮傭畫景鎮五  
方之民雜處市習澆漓先生稟規矩寡言笑又方居喪食

蔬果斷酒肉儕輩羣訕侮之間爲詩歌以見志同人以爲  
謗己嫉主者使弗留焉先生去之樂平館於石氏歲餘不  
合乃歷萬年弋陽上饒永豐之間至福建浦城館於陳總  
兵楓嶺營中嘗閱先生與兄書云自離桑梓以後困苦流  
離抱病於接竹絕糧於萬年奔走於上饒幾頓於永豐當  
此之時自以爲無復生理然某雖困窮不肯一日忘學遇  
一草一木之奇必詢之以資博物見一言一行之善必存  
之以備參考非義之事不敢爲非義之財不敢取孜孜以  
成其學兢業以守其身恐負吾父母之教云則先生之困  
窮力學蚤歲已然矣未幾士極公歿於金陵聞訃慟絕奔

起金陵盡以所得館穀營宅兆於鳳臺門外迎精而返合  
衣冠於江孺人之墓仍赴閩館益肆力學問毅然以斯文  
爲己任館近書肆往往借觀百氏之書無不研究著述亦  
日以富而先生年逾三十矣先生嘗云自有知識以來未  
嘗輟書然三十以前於經學猶或作輟三十以後盡焚其  
雜著數百萬言而一於經研經則參考眾說而一衷於朱  
子志專一而用力勤至五十時覺此理明白坦易浩然沛  
然無復向日艱難之態矣先生之於四書也謂朱子集註  
而後惟勉齋諸賢躬承師說有所發明何王金許陳胡吳  
史而下已浸失微言之緒有明大全之纂當日君若臣皆



失其道安能得聖賢之旨而決擇於羣賢得失之林故朱子所非者或載之或朱子所取者復畔焉或朱子所嘗言而意旨別屬者又彼此混附而不能察其言之有因及姚江龍溪以後多以叛傳離經爲事其號墨守程朱如蔡林顧劉輩立言亦有陰與註背而不自知者於是糾繆辨譌成四書詮義一書初意只鋤羣穢不爲講家又以不愜人心難於通貫各章畧爲挨講曲折詳明無所不盡則或問之遺意也其論易也則曰易言時中之道聖人寡過之書在天涵理而著象在物成象而寓理故上聖得理而顯象其次因象而觀理其次乃卽事以求理得理而顯象聖人

之作易也因象而觀理讀易之方也卽事以求理卜筮之事也然焦京流於術數而易之體亡王何入於虛無而易之用亡自周子作太極圖說易通程子作易傳而理明邵子演先天圖而象著朱子集諸子之大成象數宗邵子義理主周程於是體用備而時中之義明乃圖說見毀於象山易傳受詆於袁樞邵圖見非於林栗象占之說卦變之圖後世猶多議朱子者則甚矣易之難言也先生八歲時戲析八卦以竹枝排之母見之語曰八卦有斷有連汝所排皆連畫妄也先生曰兒以仰體爲陽俯體爲陰也母曰是得其意矣孺子他日其能神明於易耶及著詩書詮義

二書成乃作易經詮義然易稿者數四最後成於乾隆之丙子其於初稿自立議論稍與本義牴牾處皆痛爲掃刮至於異說糾紛則明辨益力又以明初傳義並行習易者因劉朱義以附程本已失朱子之意其後專行朱義而其本則仍程本是并傳義之本兩失之故詮義一從朱義古本分別經翼不復劉程傳以附朱義至程傳義理粹精不可移易本義未及收者則採以附朱義之後或文義未安有不可從而人反從之者亦稍爲辨析洋洋灑灑幾百萬言非識義文喫緊者不能作亦不能讀也尙書則自母口授時頗易之及舞勺時或問以古文眞僞禹貢水道對未

能悉乃赧然以書爲未易言而探討益力自云高祖清簡  
公爲司徒時戎事方殷譁論天下形勢輿籍頗詳曾祖光  
祿公研於星經歷史二者幸有傳言故義和諸章及禹貢  
皆非所難周誥殷盤辭聲牙耳難不在是二典三謨九疇  
洪範伊周微言與大易學庸相表裏天人之際性命之原  
也而唐虞受禪湯武征誅伊尹營桐周公避謗其間非得  
聖人之心何以知聖人之處事不察於性命本原之地又  
安足以知聖人之心哉顧詩易傳有朱子而書獨以屬蔡  
氏是蔡傳不異朱傳披閱數過豁然有得更爲詮義一篇  
時雍正癸丑也書成族姪攜以入京後卒於京寓本遂亡

失遠以重著爲請先生復記憶成篇大約較舊本損者三之一益者三之一自序云因敝筆硯重理舊緒十餘年見聞日廣觸緒相發時有新得蓋義理猶昔而辨析益加詳矣至於詩則深病記醜之徒搜爬舊序矜博聞而與朱子爲難詮義之作章句訓詁諷詠涵濡於國風雅頌之體勢貞淫正變之原由無不曲暢旁通務以發揮朱子之意而於鳥獸草木之名時或考據以正其小誤漏遺蓋先生不言博而典博未有過之者也謂春秋一書大義微辭聖人獨斷非徒記載之文然謂魯史舊文而斟酌其是非以垂法後世然也謂逐字而改易增損之以爲褒貶非也如春

正書王河陽書狩桓正不王定元無正稷成宋亂澶淵宋  
災之類直著譏貶無勞曲說其餘不過屬辭比事是非功  
罪按事可考而勸懲已寓乎其中左氏記事詳明讀經必  
以爲案公穀所述見聞異辭難以爲據然左氏所斷之辭  
所發之例多謬於理而不可從公穀辭義甚辨而各以其  
意揣度聖心得失亦相半迄漢唐宋諸儒各是其是交相  
矛盾胡傳大義炳朗辭氣昌明然書法泥而太曲朱子有  
所不滿至大全所載宋元之論多可補胡氏之闕然亦純  
雜相參夫欲通春秋之經當博綜於傳傳義各殊當衷於  
一一無可執斷之以理理無定見衡之以中中無定體參

之以時時有不同按之於事聖人之道時中而已隨事順理因時處宜則春秋之筆削也是以敢斟酌四傳而去取之時或斷以己意宣淺無深宣直無曲序事必綜本末論事必極周詳疑則宣闕其所取用不過數家足以發明經義而止朱子向以春秋爲難言茲所去取實宗朱子之意紫陽可興當亦不予過謫卽揆之孔子之意或亦不相牴牾蓋先生自敘云云而其書之大畧可識矣其讀禮也以雲莊集說爲平易純正然病其或雜引他說不爲折衷或隨手撫援不順文義且其間有擇未精語未詳者乃因雲莊之註蒐輯紹聞參以己意裁擇而刪定焉名曰禮記章

句其所去取之故是非之辨章句所未能悉載者又仿朱子四書或問之例著禮記或問以盡其說最後欲合三禮成編方成儀禮圖式疾劇乃止至冠昏喪祭以及鄉射士相見居鄉居家諸儀嘗取朱子家禮一書參之儀禮合宋明諸儒所論異同之不一者設爲問答以明禮意爲六禮或問六卷凡家禮所省而儀禮所存者輒爲商榷而增益之雖自以爲僭踰而酌古通今之意亦綦苦矣律呂之學先生尤精嘗曰移風易俗莫善於樂乃經生家紙上空談未嘗親執其器工絲竹者徒守其器又不能察其所以然古籍僅存樂記一篇而律呂器數皆難悉考蔡西山綜覽



古來諸儒所論成律呂新書樂記言理西山言律理以律  
 爲歸律以理爲斷三書不可不合以參觀然理寓於聲而  
 律顯於器器以成聲聲以合律則器數又不容以不考因  
 合樂記及西山之書而疏通其意更上採考工周禮先儒  
 註疏及先賢之論樂者爲續新書二卷以附於後名曰樂  
 經律呂通解又別註樂經或問三卷於器數尤爲詳核孝  
 經一書先生以爲孔子與大學並傳曾子大學得朱子章  
 句人人知所共習孝經雖定爲刊誤而未及註釋朱子恆  
 自惜之今學者傳誦尙仍石臺而罕睹刊誤之本是以今  
 文古文互相舛排我

朝命儒臣撰孝經衍義用朱子所定經文於卷首衍經不  
衍傳蓋倣真西山大學衍義之例第衍義以刊誤爲宗鄉  
會命題仍用石臺之舊草野傳誦莫適爲主乃因朱子之  
本詳其訓詁究其指歸著爲章句使經傳互相發明此則  
先生廣補朱子所未及者以上著釋四書易書詩春秋禮  
樂孝經約數百萬言縷晰條分洞其蘊奧宋元以來諸儒  
之釋經未有如是其詳且盡者也嘗謂理一而已而異學  
汨之辭章汨之故高者入於虛無下者溺於功利學者惟  
窮理致知以探其源反躬實踐以知其味斯耶說不能搖  
而榮利不足戀然理雖一而分則殊聖賢言各有當其循

序致精慮學者未知其梗概而無以識其大體所存於是彙爲一冊分門別類自天人性命之微及夫日用倫常之著自方寸隱微之地達之經綸斯世之猷援引考據而以己意折衷其間井井有條通融貫徹名曰理學逢源閱是書而先生所以深造自得者可知矣其他說理則有讀近思錄讀讀書錄讀困知記讀問學錄諸書皆推闡諸儒蘊奧而補塞其罅漏考典則有山海經存參讀禮志疑儒先晤語諸集策畧則經濟具焉戊笈談兵則天時地利與凡古今來戰陣之法具焉物詮則統論天地萬物之理氣詩韻析則詳著音韻之原委至六壬之發揮醫林之輯畧九

宮陽宅之涉筆以及讀陰符經參同契與琴譜屢屢記之  
成編或爲應酬之言或博義理之趣不足爲先生重然出  
其緒餘猶足使專家者執以成名則取多而用宏不可紀  
極也少未出試然不廢時文故先生文皆發四子六經之  
精蘊而盡萬物之事情實擅正嘉天崇及國初諸名

家之勝歲壬戌教授家塾族中諸從游者謂窮經將以致  
用力請先生出應提學試先生亦欲爲紫陽之游乃從其  
請提學少宗伯嵩壽公賞其文謂宜焚香啜茗讀之人或  
欣其由此樹幟文場以取名譽而不知非先生意也樂府  
二卷名大風集其五七言及近體絕句約三千餘篇多沉

雄激宕雅近少陵詩餘亦風流婉約賦序解論記牘箴銘  
及雜著之屬約五六百首嘗自訂爲雙池文集雖體製各  
殊其氣體明白曉暢常以淺易之語寫深湛之思出之若  
不經意而閱者忘理道之艱蓋由天理爛熟在胸故投之  
所向無不如意而波瀾體格不足云也餘如丹青篆刻游  
藝之事靡所不能非先生之所重故不殫述其註經及諸  
書也不起稿不繙閱諸家之言裝格直書每日得數千言  
值稍疑難註腳之中復下註腳理若繭絲字若牛毛書法  
非其所工點畫必依正韻無一筆苟且而章妥句適行數  
之高低空白整齊適均若經數手稱量比擬而出者在先

生爲書極而通而書無副本失則難求又以不起稿之爲  
累也今適編所存計四書詮義十五卷易經詮義十五卷  
書經詮義十三卷詩經詮義十五卷春秋集傳十六卷禮  
記章句十卷禮記或問四卷六禮或問六卷樂經律呂通  
解五卷樂經或問三卷孝經章句或問一卷理學逢源十  
二卷山海經存四卷戊笈談兵十卷讀近思錄一卷讀讀  
書錄一卷讀困知記一卷讀問學錄一卷參讀禮志疑二  
卷讀陰符經一卷讀參同契一卷策畧四卷詩韻析六卷  
物詮三卷文集八卷大風集二卷詩集七卷儒先晤語二  
卷琴譜一卷醫林輯畧探源九卷六主數六卷九宮陽宅

二卷時文六百首計十四卷共一百九十五卷然紙數多而字數密以坊本計之約六百卷先生著作深恥自炫多藏巾笥其讀書也目力雖敏而搆思刻苦一字一句之未安思之竟夕必求融貫而後已至援引浩博又皆自眾籍中來因悟先生之於書卽朱子所云循序漸進熟讀精思者也夫以先生之資稟讀書非難而自成童以後困苦顛連道途旅寓衣食不充而不廢學則難然才子數奇文章憎命嗜古之士不以境遇輟其所好者亦多有之或侈談風月經術空疏著作雖多無補世教而先生研窮經義得斷簡於眾遺發新知於卓識皆天人性命之微言民生日

用之切務無一毫爲人徇外之心則難又或穎悟絕人豪傑自命立言不朽思過古人而別標宗旨更啓爭端其斤斤繩尺是守者則又徒襲糟粕依樣葫蘆不足以發揮精蘊先生則墨守程朱縱橫排宕而一軌於正至於天地萬物生成之理日月星辰出沒之方飛潛動植化育之由六合九州生產之異五行生剋制化吉凶消長之故五聲六律八音正變節奏之道以及象數方名胎息孕育之原莫不究極指歸而漢唐宋明以來諸儒聚訟紛紛所不能決者先生批卻導窾游刃有餘泰然以解豈非尤難之難者乎孝友性成事兄如父歸娶後迎兄嫂同爨日用獨支姪成



童攜入閭肆業姪性弗好也乃使習藝事藝成與歸未幾  
兄歿嫂姪亦物故先生哭之慟爲竭力營葬歲時祭祀弗  
衰口給儉約無故不御酒肉僊荒年米價昂貴時屑豆作  
糜忍飢以度朝夕數日無米者屢有之僦屋半間不蔽風  
雨敗壁土鏗細民不能堪先生處之怡然有清貧到老眞  
吾分得喪原非爲一身之句獨念此道之孤鮮可與語廢  
書而嘆時見乎詞牘留之際顧遺書而嘆曰著述如此其  
竟不傳乎嗚呼古來聖賢多遭困厄然雖不得大行於時  
功名亦必有以目見顧或時當衰晚偃蹇宜也先生值  
聖治休明旁求經學之口而伏處深山窮谷不得與稽古

之榮不尤可惜哉先生爲學隨事體究不立宗旨嘗語學者曰人之所以異於物者此心然莊周逍遙游其心於寥廓釋迦般若寂其心以自在是皆以有用之心置之無用之地蓋心不可不用而效庸人之役役則傷心不可不養而學異說之空虛則廢事理甚平常奇怪可以不慕生世有定分富貴可以不求惟是盡心於其所當爲可爲而不馳心於其所不當爲與不必爲則此心休休而得其所養至面壁九年一旦徹悟齋心閉門一日千里此幻也先生嘗染疫昏迷中喃喃墜語聽之皆經書及三代典禮無一塵俗邪僻之言則先生平時之心志清明不爲客氣所使

可知矣先生生康熙三十一年壬申七月初九日卒乾隆二十四年己卯九月初八日享年六十有八配江氏同邑江世業公女溫恭淑慎方先生母氏爲訂婚時孺人纔數歲及先生自金陵歸客游閩浙聲息不通者幾十年父兄欲再擇壻孺人以死自誓乃免比先生歸娶時三十二歲而孺人年二十七矣孺人嘗語遴云入先生門幾四十年從未聞一怒言見一怒色子四長三四俱殤次思謙邑庠生字鳴之少聰俊日誦數千言所爲詩文卓然有法度體弱積勞因鄉試歸遲一日不及送先生終哀痛毀傷後先生四月卒年二十有九女三長及三俱殤次適遴從弟能

照孫守銓先生四月殤媳詹氏於先生病時曾割股以  
進後嗚之病不起期功無人後事無托先半月自經死嗚  
呼先生盛德在躬而身後如是遠近聞之莫不痛心流涕  
謂天道爲不可解卽避又安能爲之解也特是天之禍福  
於人也與世俗異世之享大名躋應仕子孫眾多者數傳  
後如輕塵飄風漠無踪響而堯舜禹湯文武周公孔孟諸  
人道統流傳明禋俎豆百世不遷昔曹月川昌明道學史  
稱爲一朝之冠二子瑜琛廬墓相繼而卒又我郡陳定宇  
我婺胡雲峯胡雙湖今亦無傳茫茫理數或未可知而扶  
名教衍聖傳流芳千載天理常存人心不死先生其必不

湮沒矣遶與先生誼本舊姻兼承不棄悼哲人之既萎恐  
斯文之久湮故敢畧爲序次諸書之大畧其他交人接物  
律身行己之大端與夫一行一善中人所可勉而能者不  
復具載竊恨從游日淺秉性蠢愚未能久炙休光發其蘊  
奧而又病中悒憤語無倫次昔潘興嗣誌濂溪之墓史謂  
潘某何人敢誌其墓遶顧何人敢狀先生哉然懿德同好  
聞風興起當世 大人君子以正學爲己任必有表章而  
昌大之者遶蓋日夕切心翹首而望之云

乾隆二十五年三月同邑門人余元遶百拜撰

汪先生墓表

并銘

日講起居注官朝議大夫翰林院侍讀學士提督安徽等處學政大興朱筠撰  
歙縣學廩膳生閔道隆書并篆額

婺源爲我家文公之故里宋元明以來鉅師魁儒繩繩相續流風未湮於今見者實惟段莘汪先生江灣江先生尤著筠在京師早聞江先生名比奉

命視學來江南試徽州徵其書盡讀之而善會有求書之詔卽具以

聞旋檄府建主附祀紫陽書院風示學官弟子俾之嚮學

墓表

敬業堂

既癸巳再試徽士婺源學廩膳生余元遴抱持其師汪先生之遺書十餘帙來獻且言曰元遴之師紱樂貧守道著述過身其書可傳其行可享沒嗣斬焉善人將懼元遴敢奔告待命於下執事筠發書卒讀其書於江先生埒且聞諸府人汪先生之行似江先生無不及也於時博議徧舉文公之徒得十五氏暨汪先生悉爲之主位十有六諏以八月二十日迎主入書院補祀諸儒之次是日筠躬蒞將事諸生畢來又進諸生分錄其遺書行上書局顯厥隱德府之士僉曰宜哉元遴復言曰先生之鬼其不餒顧敝冢無子孫祀者先生其卒餒謹具書事實列上請刻石表諸

墓道尙識來者筠曰然乃文以表之而召諸生之工隸書者歛閱道隆書文上石按先生諱烜其爲諸生之名曰紱字燦人小字重生號雙池婺源之北鄉段莘里人四世祖應蛟故明戶部尙書諡清簡曾祖元會祖斯涵父士極母江孺人自清簡公後再世業中落父以貧窶出遊久之不歸母賢且知書先生初能言母江卽口授四子書五經八歲悉成誦自是讀書稟母之教未嘗從師比弱冠母病臥累年先生日夜侍疾家益貧十日未嘗遇一飽母沒斂畢聞父淹滯江寧先生走爲父泣勸之歸父曰昔人曰家徒四壁吾壁已屬人若持吾安歸乎叱之去戒主者毋與若



食乃泣而歸比歸益無以自活乃之江西江西浮梁之景德鎮設官置窰所在百工食焉先生畫碗傭其間然稱母喪不御酒肉羣傭以爲笑時時作苦吟以寫其哀則交侮罵之先生去之樂平館石氏踰年亦去當是時先生飄泊上饒萬年永豐之間蹤跡無所定止輒自廣信緣嶺度仙霞關之閩中持一襖被鶉衣蓬蘽而行行嶺灘中十餘里或二十里逆旅主人不內則頓宿野廟乞食以往過楓嶺有陳總兵者聞而異之延爲子師執禮甚恭先生課詩書閒教之禮射卒伍爭請爲弟子後用藝得官以去者有之旣陳總兵去楓嶺先生授學浦城浦城爲福建江西浙江

之會三省之士薰德慕化從者日進先生聞父卒於江寧  
卽日奔喪一慟幾殆迎精而歸與母合葬先生自二十以  
後著書十餘萬言旁覽百氏九流之書三十後盡燒之資  
敏彊記過目在心自是凡有述作息神莊坐振筆直書博  
極兩漢六代諸儒疏義元元本本而一以宋五子之學爲  
歸六經皆有成書下逮樂律天文地輿陣法術數無不究  
暢卓然可傳於後所著尙書詮義十二卷詩經詮義十五  
卷四書詮義十五卷春秋集傳十六卷禮記章句十卷或  
問四卷六禮或問六卷參讀禮志疑二卷孝經章句一卷  
樂經律呂通解五卷樂經或問三卷讀陰符經一卷讀參

同契一卷讀近思錄一卷讀讀書錄一卷儒先晤語一卷  
琴譜一卷皆筠及見者又有易經詮義十五卷山海經存  
九卷理學逢源十二卷詩韻析六卷物詮八卷策略四卷  
讀困知記一卷讀問學錄一卷醫林集略探源九卷戊笈  
談兵若干卷六壬數論若干卷大風集四卷文集六卷詩  
集六卷先生且卒顧書而嘆曰著書如此而不傳乎元邁  
謹收錄而藏之於家至是乃獻嗚呼先生非元邁則書亦  
不傳也先生生平不爲應試學然嘗以制義教子弟年五  
十餘諸兄弟強之試受知於故禮部侍郎筠座師諱嵩壽  
公持其卷歎曰是當焚香煎茶讀之自是文詞稍稍稱於

人然竟死無知其學者先生見客莊坐無俗語有所質必  
更端盡其意遊藝之餘畫山水松竹尤工熟精篆書及於  
摹印閒自刻一印其文曰天下多名山其人安在家貧歲  
饑無米市豆屑炊之作食未嘗告人曰士人輒語人貧人  
縱憐我我可受耶遭疫作嚙語侍疾者聽之皆說經也飲  
酒累數十杯不醉接人以和逮臧獲惟恐傷之初先生聘  
於江客閩久不相聞江之兄嫂欲改議江聞以死誓乃不  
敢言比歸先生先生年三十二江二十八矣先生每自外  
歸呼江曰某娘江謹答曰先生歸矣江生女嫁余而死有  
遺女撫於江與之臥起他日先生宿客於書館而人居內

幼女賊曰豈有男子與婦人同牀者乎鄰人傳以爲語江  
嘗語諸弟子曰吾歸汝師三十餘年未嘗聞一怒言見一  
怒色然後知先生之居室果克敬以和也先生以乾隆二  
十四年九月卒距生於康熙三十一年七月年六十有八  
子思謙縣學增生讀書能文章應省試歸後先生沒一日  
毀卒一孫先三月殤思謙妻詹刲股肉以療舅竟不能起  
思謙將卒嘆曰天道如此耶其臘竟自經以殉先生從孫  
文藻乃與門人詹大山壻余熊照等共議卜葬先生於里  
中陽邊山麓而子婦附其旁云系之以銘曰

先生嘗試於鄉作詩言其傷貧也吾分吾身無得喪間升

高俯星曰星多人少孰自直自匡信乎以仁任己而古之人頡頏厥子死而示夢言來臥虎山歸打麥城厥言其荒唐母乃其生其死如蘇氏所詳胡父子孫忽焉而五世斬以殃天乎鬼之餒兮善人不長配食文公兮春秋祀嘗我躬事兮先生享是訓是詒兮經之光刻石表墓道兮此邦之士斐然其不忘

乾隆三十有八年癸巳秋九月

日立石

例言

是書分內外二篇內篇以明體外篇以達用內篇皆切身之要務外篇雖屬草野空言然亦求志之事也

內外二篇各分二類聖學類言理之本然與其所以用功之當然物則類則日用常行爲用功之所依據亦聖學也王道類言君人所以治天下之大法道統類則著唐虞三代治統之傳而後世所以失之之故然其道尙存於先儒萬世之所以維人心而立民極者不外此也內外一也

每類之首必援引經書以冒一類之意亦以明立言之有

本而首卷所引爲己爲人尤全書之旨欲學者必存爲己之志以爲入德之門猶中庸末章之意也

一類之中各分數條而每條之中皆首以己意立言以發明之實則竊取先儒之意者居多非私見也其後繼以雜引經書則又所以實立說之旨以見所言之一貫耳非徒引蔓也

所引經書雖似雜亂而先後自有次序非信手所拈也所引先儒之言則多以先後爲序而先儒中惟以周程張朱之說爲主間及程朱門人及邵子及南軒東萊亦間及元明諸儒又間及董韓及荀揚文中其不敢濫及者



欲的然有所宗主不徒以其言也

衣服飲食二條詳及名物似乎泛濫然先王制造微末各有深意精義而一草一木亦須要格所謂盡人物之性者要非濫及也

經學條中詳及漢儒授受蓋六經得以傳後亦賴漢儒之功而苟非折衷於程朱則終無以發六經之蘊故溯其源流所自一以表傳經之功示人不忘所自一以知漢唐諸儒之陋示人知確得所宗也

外篇自治歷以下及禮樂兵刑皆言之倍詳且并及古今得失蓋欲求是非利害之真則核之不得不詳要以見

先王之法之非不可行而本之以人君之德則與內篇  
相爲表裏若以云博洽則大官一轡不足敵抄書廝矣  
論道統而并及古今歷朝四千餘歲之事亦略見焉所以  
見衰周而後無足盡君師之責者乃道統不在君上而  
在師儒之故也中間又備及異端之害君子於斯亦足  
以知所自任矣

聖人之教不徒以言而以身而聖人往矣師儒一條自孔  
子而下逮於朱子皆略述其生平欲示人知所興起亦  
尙友之志也苟揚蘇陸於道爲庶孽而亦略著其事行  
於篇正以見嫡庶之不容相亂程朱門人亦多從略或

疵而未純或正而未大元明以下之儒者則未足詳也  
是書凡十二卷成文幾四十萬言而內外合一首尾貫通  
實惟一理故不自揣遂以逢源名之大約取法于朱子  
小學及近思錄二書與諸家所輯性理語錄類書體裁  
自別矣

雙池燦人再識


中和即直方君子敬義以致中和圖

喜 怒 哀 樂 之 未 發



方其義也


率性之道



存養子靜  
敬以直內

戒慎不睹  
恐懼不聞


天 下 大 本 道 達 之 下 天



省察子動  
義以方外

必慎其獨  
以審其幾

致 中 萬 和



敬義立而德不孤

從心所欲不踰矩

天以陰陽五

在天為利  
 于行為金  
 于數為九  
 于時為秋  
 于星為太白  
 于宿為胃  
 于干為庚辛  
 于支為申酉  
 于方為西  
 于人之德性為義  
 于五事為謀  
 于五倫為君臣  
 于臟腑為肺  
 于聲為商  
 于色為白  
 于味為辛  
 于臭為腥  
 于蟲為毛

陰中

于聲為宮  
 于色為黃  
 于味為甘  
 于星為土  
 于宿為心  
 于干為戊己  
 于支為辰巳

陰盛

于數為六  
 于時為冬  
 于星為辰星  
 于宿為心  
 于干為壬癸  
 于支為亥子  
 于方為北

陰生

于時為春  
 于星為木星  
 于宿為角  
 于干為甲乙  
 于支為寅卯

天命之本原  
 陰陽之會合

陰之盛

在天為貞以起元  
 于行為水  
 于數生一成六  
 于時為夏為雨  
 于星為辰星  
 于宿為元武  
 于干為壬癸  
 于支為亥子  
 于方為北

**RESEARCH DESIGN**



王事無疆  
無疆性信

平時旺四季  
子鼠爲塋屋  
子宿爲中宮  
子子爲成己  
子主爲盛業

44

陽始生

干人之德性爲知  
 干五事爲建業  
 干五倫爲夫婦  
 干職躬爲醫勝脫  
 干聲爲羽  
 干色爲黑  
 干味爲鹹  
 干臭爲朽  
 干職爲介

女部

情神鬼

亦思思孫本屬(氣及精)神足以知攝者乃能有以通之

功

貞

秋而老成

陰依于陽陽既日衰則陰

不能獨存而下落矣然是陰爲

主則魂氣亦隨爲鬼

陸婚事一

地





王 德 天

由是而論之成終所以成萬物而息之以也

最起元氣 由正氣發 由利而發 由利而發 由利而發

一、德之於教

陳子衡之柱

智以明善正人惡情之非理不  
 知樂樂天而義精  
 義精則德茂德茂則

羞惡

暴

信立于朋友  
序宜于兄弟  
恩宜于父子  
別宜于夫婦  
義宜于君臣

「先生子兄弟」

恩宣于父子

別墅于夫婿  
孝子奉巨

卷之五

以盡天下

明于君臣之分  
明于交友之信  
明于長幼之序  
明于父子之親  
明于男女之別

明于交友之信

明季長幼之序

明乎父子之親

一 明子金王著

以別天下

名分以定

邪正以辨

外資の

力美以用  
察會以治

—

天地太和而四靈畢至

萬物咸若

西關廟堂

古有從父

1

一、兵以威遠

一、從以同

西歐以防性

明刑以勸

庶幾得基

庶幾得其性

得真平


庶幾得其職

聖學逢原

圖




# 三德合五常圖




# 五常相為經緯體用

<small>統四端 合天地生 之仁 之心而為 之通 兼萬端</small>				
仁之辨發智	義之辨發義	禮之辨發禮	智之辨發智	信之辨發信
禮有以發智	禮有以發義	禮有以發禮	禮有以發智	禮有以發信
知所智也	知所義也	知所禮也	知所智也	知所信也
知所智也	知所義也	知所禮也	知所智也	知所信也
實知而後為智	實宜而後為義	實敬而後為禮	實愛而後為仁	

# 五事自相經緯表裏



# 五倫迭為相生輔



理學逢源目次

卷之一

內篇聖學類

天

性

情

心

敬

誠

格致

卷之二

內篇聖學類

仁

忠恕

義

禮

知

信

仁義禮知信總論

卷之三



內篇聖學類

知仁勇

中

道德

命

鬼神

思

學

卷之四

內篇物則類

五倫

夫婦

附男女

父子

兄弟

附長幼

君臣

朋友

師

卷之五

內篇物則類

五事

威儀

言語

衣服

飲食

卷之六

內篇物則類

經學

小學

大學

孝經

論語

孟子

語孟總論

詩

書

儀禮

禮記

文公家禮

樂

附西山律呂新書

詩書禮樂總論

中庸

學庸語孟總論

易

周禮

春秋  
附論五傳

易詩書禮樂春秋總論

爾雅

史學  
史記 漢書 後漢書 三國志 晉書  
宋書 齊書 梁書 陳書 魏書

北齊書 北周書 南北史 隋書  
舊唐書  
新唐書  
五代史  
宋史  
遼史

金史  
元史  
資治通鑑  
綱目

六藝  
禮樂射御書數

卷之七

外篇王道類

君道

王霸

用人

治歷明時

卷之八

外篇王道類

經地畫野  
井田封建

理財制用

賦稅 儲蓄

立學興教

鄉學 國學

卷之九

外篇王道類

制禮

吉

凶

賓

軍

嘉

作樂

卷之十

外篇王道類

備兵

明刑

卷之十一

外篇道統類

歷朝

卷之十二

外篇道統類

異端

師儒

孔子 顏子 曾子 子思 孟子  
附荀子 董子 附揚子 文中子 韓子

周子 程伯子 程叔子 張子 邵子

程子門人及胡氏李氏諸儒 朱子

張南軒 呂東萊 朱子門人

附蘇氏陸氏 元明諸儒

理學逢源目次畢